

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 24.11.2017թ. թիվ 1707175565 որոշումն անփոփոխ, իսկ վարչական բողոքն առանց բավարարման թողնելու մասին

<<15>> 01 2018թ. 17 4-30680-12/12 4-94

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սեդա Հարությունյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Սարի Թաղի 9-րդ շարքի 134-րդ տան բնակիչ Սեդա Հարությունյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 24.11.2017թ. թիվ 1707175565 որոշումը՝ նշելով, որ համաձայն չէ որոշմամբ արձանագրված իրավախախտման հետ:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին որոշումն օրինական է և իրավաչափ հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> ՀՀ օրենքի 2-րդ հոդվածի համաձայն՝ կանգառ է համարվում **մինչև 5 րոպե** կամ ուղևորի նստելու, իջնելու և (կամ) տրանսպորտային միջոցը բեռնելու, բեռնաթափելու համար անհրաժեշտ ժամանակով տրանսպորտային միջոցն անշարժ վիճակի բերելը:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսահմանությունների ու պայմանների ցանկը սահմանելու մասին>> թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի **եզրին զուգահեռ** մեկ շարքով՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Իրավախախտումն ամրագրած տեսանյութի և տեղանքի լրացուցիչ ուսումնասիրությամբ պարզվել է, որ դիմումատուին պատկանող տրանսպորտային միջոցը, տեղակայված է **մայթեզրին ոչ զուգահեռ**, ինչը տեղակայման վայրում 6.4 <<Կայանման տեղ>> ճանապարհային նշանի և 8.6.5 <<Տրանսպորտային միջոցի կայանման ձևը կայանման տեղում>> ցուցանակով և գծանշումներով թույլատրված չէ:

Դիմումատուն պարտավոր էր տրանսպորտային միջոցը կայանել սահմանված վայրում, կամ ընտրել մի այնպիսի վայր որտեղ կարողանար կատարել կանգառ մայթին մոտ՝ երթևեկելի մասի եզրին զուգահեռ մեկ շարքով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

- 1.Ճանապարհային ոստիկանության վարչական տույժ նշանակելու մասին 24.11.2017թ. թիվ 1707175565 որոշումը թողնել անփոփոխ, իսկ վարչական բողոքն առանց բավարարման:
- 2.Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներով:
- 3.Սույն որոշման օրինակն ուղարկել Սեդա Հարությունյանին և զործարկել:





Ե.Կարապետյան